

主 編 卞 甫

副 主 編 陳玉宇

明代基本史料叢刊·文集卷
(第一輯)

「洪武、建文朝」

四八

綫裝書局

欽定四庫全書

始豐稿卷八

序

崇德趙氏世譜序

明 徐一夔 撰

崇德趙氏蓋宋太宗之孫自金紫光祿大夫諱善某生
朝散大夫知臨安府汝能以贅居崇德因占籍焉朝散
府君之十世孫珪作為世譜而謂之崇德趙氏世譜者

非舉其本原也蓋本其枝派占籍之地而識之也禮有
大宗小宗以明本支趙氏之系後儀其本原也是之謂
大宗枝派散處如在崇德者特小宗耳此崇德趙氏世
譜之所以作也按譜朝散府君生承事郎昌化縣丞崇
宋承事府君生通直郎僉臨安府判必表通直府君生
朝奉郎廣東經畧司主管機宜文字良珂朝奉府君值
宋亡元初軍前承制遙授同知州事傳序至珪凡十有
一世云宋氏之制設玉牒之官以序同姓其為書既第

五服之戚疏為屬籍又疏其官爵功過生死及男若女
為類譜又推其所自至於子孫而列其名位者為宗藩
慶系錄又考定世次分枝別派而歸於本統者為僊源
積慶圖其法可謂備矣夫自經畧府君而上其世次名
位當在玉牒宋社既屋圖籍皆遷而北子孫不可得而
見珪懼其久而失實也自其已推而上之至于金紫府
君而止定為崇德趙氏世譜嗚呼玉牒亡而世譜作固
其宜也如譜所序按而考之經涉三代五世在宋六世

金溪縣志

卷八

左元其在于今則珪之世也在宋者伯叔子姓佐縣典郡比肩接踵蓋光顯矣

闕

元未見有名上三銓秩

登百石此足以驗運去物改雖宗室之系不過為庶亦足悲也今天子奄有四海立經陳紀以貽萬世獻言者以為國家宜取法宋一切用儒上頗遵用其言首崇學校以為儲材之地而珪之伯仲方以後秀選為諸生有祿食傳曰公侯之子孫必復其始其在茲乎珪持譜請序予既本其家乘之懿列于首簡併以

予所望者俟之

送郭孝廉還廬陵序

廬陵郭理孝廉人也其父號學顏先生負奇氣頗精地理學好游覽名山川至正中委其家事踰淮入浙縱觀五湖之勝至於吳興而止會天下亂欲歸不能僑居其郡之漣水上漣上之人慕與之游爭館之久之死於客同郡羅孔碩李訥英之道場山之阿而尋陽張羽為撰其行實揭諸墓理固弗知也初學顏先生去其家時理

年方七歲其後年日益以長念其父遠去鄉里既莫省
所向且存歿不可知又亂未息顧瞻四方惟日夜號慕
王師既平浙有至自淮陰者得其父客死吳興之槩以
告瑄瑄泣曰是矣吾父死矣即日匍匐東下然未悉也
斷遇浙人悉之至曲阿之逆旅客有操浙音者銜哀問
之則連上所嘗館穀其父之家之子姓也具告其父存
歿歛殯顛末并以所向之道告之曰爾第往張羽先生
李訥先生固在也往主之無弗得者瑄既至見張羽李

訥領至道場山指隆然起宿草中如所謂馬鬣封者謂
珪曰此爾父體魄所藏也珪慟哭哀動路人既拜奠已
將啟窆發柩以行顧單身隻力且資用乏絕未克即舉告
于墓曰兒不孝歸措資用率兄琮刻以百日返葬兒罪
大逆重弗敢追也遂還其還也取道錢唐予見之珪以
情事白其形羸然有可憐之色予解之曰子勿悲也子
患不見爾父之體魄所在誠得見爾父之體魄所在資
用不足慮也獨不聞范丞相蘓長公之為義乎石曼卿

三喪弗舉范丞相以麥五百斛與之無吝色李方叔四喪弗舉蘓長公以故人所贈絹十足絲百兩與之又以其薄且為告之同志助之二人者卒克襄事秉彝好德人皆有之沂浙端過彭蠡至于大江之西經涉二千餘里所見之人計不一二而足夫豈無范蘓其人乎吾固謂資用不足慮也惟率爾兄如期襄事斯無憾矣子尚勉之程字伯理年三十六志行有足稱云

送鄧華師代祀三陵還朝序

國家治定功成制禮作樂遂咸秩無文今年夏六月丙寅
皇帝御奉天殿分遣公侯大臣代祀岳瀆海鎮又以前
代帝皇有功德在天下後世者禮宜不絕其祀乃即其
陵寢所在如岳瀆海鎮儀以類祀焉而將事之使詔以
玄門有道之士充焉浙水東有帝大禹宋孝宗理宗之
陵蓋所謂有功有德者乃以屬之上清鄧尊師仲修甫
尊師欽承明詔即日戒行七月癸未抵浙水東擇日齋
戒恭出祝冊告于有司曰冊有皇帝名乃上所自署事

至重也凡室之為明宮齋庖者器之為俎豆鈗罍者物之為牲牷醴齊脯醢者其加精潔豐美如武八月庚戌有事于禹陵丙辰有事於孝宗理宗二陵將事之夕雲收雨歛薦裸有容降登有數執事有恪誠意孚暢神靈昭格山谷遺民以為近世所無之曠典相與星棲露宿旁觀盛禮莫不舉手稱頌聖天子之仁德美意而嘉使者之善於將事也厥既竣事將復命于朝徵余序之余惟國家歲祀而及於前代帝王之無祀者甚盛典也漢唐

及宋固有建廟修陵示褒崇者矣然或歲一享焉三歲
一享焉而猶弗徧而近世之有天下者以相勝為賢一
值運去物改雖有令主功德被於當時垂於後世然亦
同為若教民之鬼今也聖明之見度越前代施德於九
京之下溥徧無遺載諸祀典歲以為常猗歟盛哉然將
事之使不以屬之在朝之臣而以屬之方外之士抑又
何也蓋鄧尊師學道於龍虎山中有真純之行先是以
高士被召在京師講道德經于上前敷揚玄義稱古又

欽定四庫全書

卷八

歲無雪奉旨祈雪有應先承褒贊夫既有以上結主知
茲所以有奉祠之選也歟或曰禮莫大於祀古之知禮
者莫過於老子氏孔子蓋嘗問焉意者聖天子以老氏
之徒為深於禮斯遣之也不然鄧尊師之將事又何其
中於禮也如是夫乃叙為鄧尊師代祀還朝序

送朱仲誼就養序

吾友朱仲誼曠達人也自其少時學明經舉進士嘗有
志於世用矣然僅小試出坐學宮末座而天下有事紛

爭一時未遇之士悉變其所學不鬻孫吳之書則掉儀
秦之舌以干時取寵仲誼薄此不為也獨務博覽強記
以涵蓄其胸中及天下已定國家大收材畧而用之而
仲誼年日以老自度無以盡其力乃以嘗所涵蓄者發
為詩詩緣情指事引物連類多或千言少或百字雲行
水流金鳴石應有風人之體裁當其秉筆運思牢籠萬
彙摩蕩九霄傲睨乎宇宙之內千駟萬鍾不知其為富
也崇資厚祿不知其為貴也然亦生是臨近世所謂詩

窮者人見其酷嗜吟事或勸之曰此致窮具也何自苦
如此則應之曰吾道然也毋預公事歲行在午之正月
忽告其嘗所往來者曰吾將別子而去吾上世家吳陵
吾嘗渡江訪故鄉里族人昆弟故有在者見吾至甚喜
咸為我治田疇闢居室請吾歸耕吾游浙久今老矣計
亦歸耕為上未數日又謂其嘗所往來者曰吾未暇耕
也吾兒以選得備任使幸有祿食昨日之夕有文書至
迎吾就養吾亦惟之勉徇吾兒之志而後歸耕亦未晚

也余曰是也以予之才而居田野偃息不過茅屋樹林之下往來不過農夫田父之客至於呻吟佔畢亦不過閭閻之態呖咄之事今而就養享有音甘好天佳日葛巾竹杖從二三老友翱翔乎康莊之衢仰而觀乎天子宮闕之壯宗廟之尊百官有司之富龍文虎氣五彩騰上結為卿雲心開目朗永言之發皆足以鳴太平之盛顧不偉歟而況棄晨昏之奉而退處於寬閒寂寞之濱亦非人之情也雖然國家功成治定制禮作樂一刻近